

4
650

10/10

ԱՅՆԻ ՀՐԱՏԱՐԱԿՈՒԹԻՒՆ

Ս. ՄԻՒՌՆԻ ՕՐՀՆՈՒԹԻՒՆԸ



Կ. ԵՊ.

28(7)
4-11

Էջմիածին

1912.




Ս. ԷԶՄԻԱՆՆԻ ՀՐԱՏԱՐԱԿՈՒԹԻՒՆ


28(7)

4-11

Ս. ՄԻՒՌՈՆԻ ՕՐՀՆՈՒԹԻՒՆԸ




Handwritten notes in blue ink on the left margin:
A 16870
2882
656



Վ. ԵՊ.

Ս. Էջմիածին

1912.



ՍՏՈՒԳՎԱԾ Է
1952 թ.

Հրամանատ.

Տ. Տ. ԳԷՈՐԳ Ե.

ՍՐՐԱԶՆԱԳՈՅՆ ԿԱԹՈՒՂԻԿՈՍԻ

ամենայն Հայոց.

1473

ՀԱՅԱՍՏԱՆԻ ԿՐԹԱԿԱՆ ԲՆԱԿԱՆՈՒԹՅԱՆ
ԿԵՆՏՐԱԼ
ԲԻԵԼԻՈՏԵՆԱ
ՄԱՏԻՍՏՐՈՒՄ ԵՎ ԳՐԱԿԱՆ ԲՆԱԿԱՆՈՒԹՅԱՆ



Տ. Տ. ԿԵՐԵՍՆԵ.

ՍՐԲԱԶՆԱԳՈՅՆ ԿԱԹՈՒՆԻԿՈՍ

ամենայն Հայոց.

Մ. ՄԻԻՌՈՆԻ ՕՐՀՆՈՒԹԻԻՆԸ

Քրիստոսի ս. խաչի հետ՝ ամէնից նուիրական, խորհրդաւոր և սրտի մօտ սրբութիւնը հայ քրիստոնէի համար ս. Միւռոնն է: Այլ և քրիստոնէական պաշտամունքի հետ կապ ունեցող ամէն մի իր և անձն այն ժամանակ է միայն սրբազան բնաւորութիւն ստանում նորա աչքում, երբ ս. Միւռոնի դրոշմը կայ վրան. նա խաչ է հանում երեսը եկեղեցու, ս. սեղանի, ս. աւազանի, սրբոց պատկերների առաջ, որովհետև ս. Միւռոնով նուիրագործուած են. համբուրում է եկեղեցւոյ պաշտօնեաների աջը, որովհետև օծեալ է. յարգում է իւր դաւանակցին, քանի Միւռոնի նշան է տեսնում սորա ճակատին. իսկ երբ սա հայ քրիստոնէին անվայել ընթացք է ցոյց տալիս, կընշանակէ՝ ճակատի Միւռոնը պակասել է, կամ իսպառ վերացել: Կանաչ Միւռոնով կնքուած երդումը հայ քրիստոնէի ամենածանր երդումներից մէկն է. աւազանի ս. Միւռոնով կնքուած բարեկամութիւնը աւելի նուիրական է գրեթէ և աւելի հաստատուն, քան արենակցութեամբ ու խնամութեամբ եղածը: Եւ որովհետև մի հատիկ կաթսայի մէջ, ս. Լուսաւորչից սերնդէ սերունդ ժա-

ոանդած օրհնութեամբ՝ եփուող Միւռոնի կնիքն է,
 որ մկրտութեան աւազանից ի վեր սրոշում է
 իւրաքանչիւր հայ տնձի կոշումը մարդկութեան
 մէջ, այդ նոյն Միւռոնն է հանդիսանում ամենա-
 սերտ և ամէնից ամուր հողերը գօզը ի սփիւռս
 աշխարհի տարածուած բոլոր հայերի համար.
 Սրբալիչս Միւռոն, որ Աստուածային սրբութեամբ
 մաքրում է մեր մեղսամած մարմինները և ճա-
 նապարհ բանում մեր հոգու առաջ դէպի երկ-
 նային լուսոյ յաւիտենական կայանները: Ի՞նչ
 զարմանք ուրեմն, որ երբ ս. Միւռոնի կաթսան
 զրուում է Երկնաւոր Ճարտարապետի հիմնած
 Միածնի Իջման Տաճարի սեղանի վրայ և ս. Լու-
 սաւորչի յաջորդ ամենայն Հայոց ընդհանրական
 Հովուապետի օրհնութեան գիրը հրաւիրում է
 Լուսաւորչական հօտին՝ գիմեղ դէպի հանուրց
 Հայաստանեայց Մայր Աթոսը, ահանատես և տօ-
 նակից լինելու այն մեծ խորհրդի կատարմանը,
 թէ ինչպէս ս. Միւռոնի նորոգ օրհնութեամբ ա-
 նեղծ ու անշէջ է պահուում, մեզ և յաջորդող սե-
 րունդների համար՝ մեր երջանիկ նախնեաց սըր-
 բութեան և լուսոյ բազմադարեան ժառանգու-
 թիւնը, — ի մի է ժողովուում ս. Աթոսի շուրջ բազ-
 մուստեք հայութեան այնպիսի հարուստ ներ-
 կայացուցչութիւն և տեղի ունենում այնպիսի
 մեծաշուք հողեպարար հանդէս, որի նմանը չկայ
 հայ մարդու համար ուրեշ ոչ մի տեղ և ոչ մի
 այլ առթիւ:

Ահա այս ուխտաւոր բաղմութեանը, և հեռ-
 ուից հոգևով մասնակցողներին ու հետաքրքրուող-

հերին՝ կկամենայինք մի բանի պատմական և նկարագրական տեղեկութիւններ տալ միւսոնօրհնութեան հանդիսի և նորա ասարկայ եզոզ սրբութեան մասին:

«Միւսոն» բառը ծագում է յունարէն լեզուից, ուր նշանակում է՝ հեղուկ, բոյսից հոսող հիւթ. բայց գործ է ածուում յատկապէս ձիթեհոս պտղի հիւթի կամ իւղի այն տեսակի համար, որ զանգուած է անուշահոտ համեմունքներով: Ձիթեհոս իւղն իբրև օձանիլի շատ հին ժամանակներից գործածելի է եղել երբայեցիների, ինչպէս և ուրիշ արեւելեան ազգերի, Յոյների և Հռոմայեցիների մէջ՝ իբրև կաշին ճկուն պահելու և արևի տապից պաշտպանելու միջոց: Մարմնի օժումը տեղի էր ունենում լուսացումներից յետոյ, սովորաբար երբ զարգարուում էին (Հուլթ 3, 3) կամ ուրախական և տօնական հանդիսի համար պատրաստուում (Մադմոս 22, 5. Սմովս 6, 6). մինչդեռ արամութեան օրերում, իբրև սգոյ նշան, օժումից բոլորովին հրաժարուում էին (Բ. թագ. 14, 2. 12, 20). և դեռ Քրիստոսի ժամանակ սովորութիւն էր մնացել հիւրին պատուել գլուխը իւղով օծելով, իսկ արտաքոյ կարգի պատուի նշան էր ոտքերը թանկագին իւղով օծելը (Մարկ. 14, 3. Յովհ. 12, 3): Ձիթեհոս պարզ իւղի տեղ արդէն հին Իսրայելացիների մէջ շատ դէպքերում՝ հարկաւ աւելի ունեւորների ու իշխանների մօտ, սովորութիւն է եղել գործածել թանկագին

խնկեղէնի ու համեմունքի խտնամամբ առանձնապէս պատրաստածը (Եւբ 30, 23 շ.)։ դորա համար էլ այդ խնկեղէնն ու համեմունքը շատ դնահատում էին և ամենթանկազին իրերի շարքում հաշուում (Նսայի 39, 2. Գ. Թագ. 10, 10 Եզ, 27, 22)։ իսկ ամէնից թանկազին օծանելիքը նարդոսի իւզն էր (Երգք 1, 12. Մարկ. 14, 3)։

Սակայն արդէն Հին Ուխտի մէջ շատ նախնական ժամանակներից ի վեր օծումն ունէր նաև մասնակի՝ նուիրագործող նշանակութիւն, և ինչպէս առարկաներ, այնպէս և անձինք, որոնք նուիրուած էին Իսրայէլի Աստուծոյ սպասին, կամ որոնց վրայ վայելում էր Աստուածային զօրութեան ներկայութիւնը՝ օծուած էին լինում ձիթեանու իւզով։ Այդպէս Յակոբ օծեց իւր գլխի տակի քարն այնտեղ, ուր հրաշալի տեսեան մէջ Աստուած երևացել էր նրան (Ծննդ. 28, 16—19)։ օծուած էր նաև Մովսէսի վկայութեան խորանը իւր բոլոր կահաւորութեամբ, սրբութեանց սեղանով և աւազանով մէկտեղ (Եւբ Խ. 9—11)։ Նոյն խորանին և սեղանին սպասաւորող քահանան մանաւանդ, որի ամբողջ կեանքը նուիրուած պէտք է լինէր Աստուծոյ պաշտամանը, օծմամբ էր ընդունում իւր սուրբ կոչումը (Եւբ Խ. 13—15. ԻԹ. 7—9)։ Օծմամբ էին իշխանութիւն ստանում նաև Իսրայէլի բոլոր թագաւորները, որոնք Աստուծոյ հոգևով լցուած՝ Աստուծոյ անունով, զօրութեամբ և օրինօք պիտի դասէին ու առաջնորդէին Աստուծոյ ժողովրդեան, պաշտպանէին արտաքին յարձակումներից (Ա. Թագ. 10, 1. 16,

13. ևն.): Մինչև իսկ այն դէպքում, երբ մի օտար իշխան ներկայանում էր իբրև Իսրայէլի Աստուծոյ կամակատարը, Նորա այս և այն վճիռն իրագործողը երկրի վրայ՝ դարձեալ Տիրոջ օժեանն էր կոչուում և երբեմն իրօք օժումն ընդունում (Գ. Թագ. 19, 15. Եսայի 45, 1): Այդպիսի արտաքոյ կարգի դէպքերում, երբ Իսրայելացի կամ օտար մի կողմնակի անձն հրաւիրուում էր Իսրայէլի ժողովրդեան վրայ թագաւորական իշխանութիւն ստանձնելու և Աստուծոյ տնօրէնութիւններն ի կատար ածելու՝ Աստուծոյ կողմից թարգման հանդիսանում էին և օժում կատարում մարգարէները, որոնք, իբրև անմիջապէս Աստուծոց ընտրուած և ուղարկուած, նորա հոգւոյ ներքին ազդմամբ խօսող մարդիկ՝ պէտք չունէին արտաքուստ իւզով օժուած լինելու. բայց պատահում են մարգարէներ, որ օժմամբ ուրիշ մարգարէից ստանում են մարգարէական շնորհը (Գ. Թագ. 19, 16): Այսպիսով ս. Գրքում ամէն անգամ օժման իւզը նկատուում է իբրև այն նիւթեղէն միջնորդը, որ Աստուածային ոգին և շնորհը ներգործական է դարձնում մարգոց մէջ և իրերի վրայ:

Իսկ երբ պէտք է գար աշխարհի Փրկիչը, որ ոչ միայն լի էր Հոգւով և զօրութեամբ Աստուծոյ, այլ պատկեր իսկ աներևութին Աստուծոյ (Բ. Կորնթ. 4, 4), որ և քահանայ էր ու քահանայապետ՝ ըստ կարգին Մեղքիսեղեկի (Եբր. 6, 20), և մարգարէ և թագաւոր յաւիտենից, որի իւրաքանչիւր խօսքը և զործը և շարժուածքը Աստ-

ուածային էր, — հասկանալի է, թէ ինչո՞ւ նորա
 գալստեան ակնկալողները և աւետոյները սկզբից
 և եթ նկատու՞մ էին նորան իբրև բացարձակ Սծ-
 եալ Տեսան (Ղուկ. 2, 11. 26): Այս պատճառով
 Քրիստոս բառը, որ օծեալ է նշանակու՞մ և որ յու-
 նարէն լիզուով թարգմանութիւն է Փրկչի ժամա-
 նակակիցների ակնկալութիւններն իր մէջ ամփո-
 փող «Մեսիա» երբայցեցե՞րէն — արամեբէն բառի,
 քնաց կապուած փրկչական Յիսուս անուան հետ,
 իբրև նորա կոչումն ամէնից աւելի բնորոշ կեր-
 պով արտայայտող մակդիր: Ինքը Փրկիչը, երբ
 իւր քարոզութիւնն սկսելուց յետոյ առաջին ան-
 գամ Նազարեթի ժողովարանը մտաւ և Նաայեայ
 մարգարէութեան գիրքը բանալով՝ կարգաց այն
 տեղն, ուր ասուած էր. «Աստուծոյ Հոգին ինձ
 վերայ է, որովհետև նա ինձ օծեց, որպէս զի ինդ-
 ճերին ուրախութեան լուր բերեմ, ևն.» (Ղուկ.
 4, 18) — ընդունեց այդ խօսքերն իբրև կանխատա-
 ցութիւն իւր մասին, հետեաբար և իրաւունք
 ասաւ իրեն Օծեալ անուանելու, ինչպէս և ան-
 ուանում է Պետրոս առաքեալը՝ կենդանի հաւա-
 տոյ իւր առաջին խօստովանութեան մէջ (Մատթ.
 16, 16.): Այս օրինակով նաև Քրիստոսի հաւա-
 տացեալները, որոնք նկատուում են իբրև Աս-
 տուծոյ նուիրուած մի նոր սուրբ ժողովուրդ և
 ընդհանուր քահանայութիւն (Մ. Պետր. 2, 9),
 որոնց համար արդէն Յովհաննէս Մկրտիչը գու-
 շակե՞լ էր, թէ Հոգւով Սրբով պէտք է մկրտուեն
 (Ղուկ. 3, 16), — այդ մկրտութեան հետ նաև օծու-
 թիւն ընդունած էին համարուում և այդ օճմամբը

ճշմարիտ ու կատարեալ աստուածածանօթութիւն ստացած (Ս. Յովհ. 2, 20-27. Բ. Կորնթ. 1, 21. 22):

Արդ, ինչպէս Փրկիչն ինքը, ի Հոգւոյն Սրբոյ ծնեալ լինելով՝ օծեալ էր անդասին, այնպէս և նորա անմիջական աշակերտները՝ նորանից ս. Հոգի և հոգևոր օծութիւն ընդունելով (Յովհ. 20, 22, 23), իւրոյ օծման պէտք չունէին այլ ևս: Բանի որ սակայն արդէն Քրիստոսի առաքեալների օրերում դէպքեր էին պատահում, երբ ս. Հոգին բաշխուում էր անկախ ջրով մկրտութիւնից (Փարձք 8, 14—17. 19, 1—6), ամենայն հաւանականութեամբ շատ վաղ ժամանակ հաւատացեալների համայնքի մէջ սովորութիւն մտաւ մկրտեալներին իւրով օծել կամ դրոշմել՝ իբրև ս. Հոգին ընդունելու և նոր մարդ լինելու նշան, ինչպէս որ ջրով մկրտութիւնը մեղքից սրբուելու և հին մարդու թուլութիւններից հրմժարուելու նշան էր. և առաքելական թղթերից վերև առաջ բերած վկայութիւնները, ուր յիշուում է հաւատացեալների օծման մասին, իբրև ակնարկութիւն կարող են համարուել, որ այդ սովորութիւնն իրօք եղել է: Այսպիսով՝ օծման համար սրբազան իւր գործածելու կարիքը քրիստոնէական եկեղեցւոյ մէջ յառաջ է եկել դրոշմի խորհրդի հաստատութիւնից, որ իբրև մկրտութեան խորհրդի անհրաժեշտ տարրը՝ եկեղեցւոյ զլխաւոր խորհուրդներից մէկն է, հաւատացեալի վերածնութեան և երկնաւոր կոչման արտայայտիչ նշանը: Բայց Հայոց եկեղեցին սրբազան իւրը գործ է անում ոչ միայն

դրոշմի համար, այլ նաև եկեղեցական բարձր
 կարգի պաշտօնեաների ձեռնադրութեան միջո-
 ցին: Քրիստոսի առաքեալները, ինչպէս որ նոր
 հաւատացեալների գլխին ձեռք դնելով և աղօ-
 թելով էին նոցա ս. Հոգւոյ շնորհը բաշխում,
 այդպէս և ձեռք էին դնում և աղօթում, երբ հար-
 կաւոր էր համայնքի այս կամ այն անդամին որոշ
 պաշտօն տալ (Գործք. 6, 6. 13, 3), երէց կամ
 եպիսկոպոս կարգել (Ա. Տիմ. 4, 14. Բ. Տիմ. 1,
 5): Օրթոդոքս եկեղեցին և մեր հարեան ուրիշ
 արևելեան եկեղեցիներ՝ Ասորիներ, Կոպտեր և ին-
 բոլոր եկեղեցական պաշտօնները բաշխում են
 պարզ ձեռնադրութեամբ և աղօթքով. միայն Հռով-
 մէական եկեղեցւոյ մէջ օծում են քահանաների
 և եպիսկոպոսների ձեռները. այլ և Օրթոդոքս
 եկեղեցիները օծում են թագաւորներին՝ նկատե-
 լով նոցա, Հին Ուխտի թագաւորների նման, իբրև
 Աստուծոյ օծեալ և Աստուծոյ օրէնքն ու իշխա-
 նութիւնը երկրի վրայ կատարող: Իսկ մեր եկե-
 ղեցւոյ մէջ միայն քահանայութիւնից ցած աս-
 տիճաններն են պարզ ձեռնադրութեամբ շնորհ-
 ուում, այլ և կրօնաւորութիւնն ու վարդա-
 պետական աստիճանները. մինչդեռ քահանայի
 ձեռնադրութեան միջոցին օծում են թէ՛ ճակատը
 և թէ՛ ձեռները, իբրև սրբաշնագործ պաշտօնեայի,
 որ անմահ պատարագ է մատուցանում. ինչպէս
 օծուում էին Հին Ուխտի քահանաները, որոնք
 զոհ էին մատուցանում. առանձնապէս օծուում է
 նաև եպիսկոպոսը, որ յաջորդ է առաքեալների,
 հովուում է Քրիստոսի հօտը և ձեռնադրութեան

շնորհը բաշխում. ինչպէս օծուում էին Հին Ուխտի քահանայապետները, որոնք յաջորդ էին Ահարոնի, ձեռնադրում էին քահանաներին և, Բարեւոնի գերութիւնից յետոյ, առաջնորդում էին ժողովրդեան: Միայն մեր եկեղեցուն յատուկ է նաև Հայրապետի օծումը, որ տեղի է ունենում ս. Միւռոնը գաղաթի վերայ կաթեցնելով՝ իբրև ընդհանրական գլխոյ եկեղեցւոյ և Փրկչի փոխանորդութեամբ նորա հօտի միութիւնը պահպանողի: Թագաւորների օծումը նոյնպէս, զոնէ Բագրատունիների ժամանակից՝ մեր մէջ եղել է, և մեր մայր Մաշտոցում առանձին կարգ կայ դորա համար:

Մրբազան իւղը կամ Միւռոնը գործ է ածւում մեր եկեղեցւոյ մէջ վերջապէս եկեղեցի, և ի մասնաւորի սեղանի վէմքարն ու աւազանը, իսկ ու պատկերներ օծելու համար. այլ և ջրօրհնեաց հանդիսի միջոցին, երբ ս. Միւռոնը կաթեցուում է Յորդանանը փոխարինող աւազանի մէջ, ի յիշատակ ս. Հոգւոյ Փրկչի վերայ իջնելու՝ մկրտութեան միջոցին: Առանձնապէս խաչը օծելու մասին վէճ է եղել միջին դարերում մեր և Ասորիների մէջ, որոնք ի թիւս այլոց պախարակում էին Հայոց այդ սովորութիւնը, և մեր Գէորգ փիլիսոփայ կաթուղիկոսը *) Հայոց սովորութիւնը պաշտպանելով Ասորւոց պատրիարքին գրած թղթի մէջ **), հարցնում է. ինչո՞ւ պէտք է քեզ անարժան

*) 1058—1059 թ. ներին. տես. Հայոց եկեղեցւոյ յարեբութիւնները Ասորւոց եկեղեցիների հետ. Ե. վ. Տէր Մինասեան. ս. էջմիածին. 1908. եր. 209:

**) Գիրք Թղթոց. Թիֆլիս. 1901. եր. 345:

Թուի խաչի վերայ Միւռոն ձգելը, քանի որ ինքը Քրիստոս խաչի վերայ բեկոռեցաւ Այգադէս և Ներսէս Շնորհալին Ամայք գաւառի ասորիներին գրած թղթի մէջ^{*)} բացատրում է, թէ որչափ պատշաճ է հասարակ նիւթից շինած խաչը ս. Միւռոնով օծել, որպէս զի ս. Հոգւոյ զօրութիւնը ստանայ, ինչպէս Փրկիչը պատշաճ համարեց, որ ս. Հոգին Յորգանանում իջնէ իւր վերայ: Այս խօսքերից պարզ է արդէն, թէ ինչ նշանակութիւն էին տալիս մեր հայրերը ս. Միւռոնի օծմանը ընդհանրապէս:

Սրբազան իւզն՝ ունենալով այսպէս աւելի ընդարձակ գործադրութիւն մեր եկեղեցւոյ մէջ, քան ուրիշ եկեղեցիներում, ստացել է նաև բացառիկ խորհրդաւոր, ընդհանրացած ժողովրդական նշանակութիւն: Դորան շատ նպաստել է, անշուշտ, այն հանգամանքը, որ այլակրօն և այլադաւան ազգերով շրջապատուած՝ Հայերն աշխատել են իրենց ինքնուրոյնութիւնը պահպանելու համար պարզ և ընտրոշ խտիր գնել իրենց և օտարների մէջ, ուստի ինչպէս Հրէաները մեծ կարևորութիւն էին տալիս թլփատութեան նշանին, որով տարբերուում էին իրենց շրջապատող անթլփատներից, այգպէս և մեզ համար առանձին կարևորութիւն է ստացել ս. Միւռոնի դրոշմը, որով ս. Լուսաւորչի հօտը տարբերուում էր անհաւատներից, ու նոյն իսկ այլադաւաններից, որով դրոշմուած էին ազգային եկեղեցւոյ բոլոր սըր-

*; Թուղթ Ընդհանրական, Ս. Էջմիածին, 1865. եր. 376;

բութիւնները: Այս գաղափարը արտայայտութիւն է գտնում նաև այն գեղեցիկ աւանդութեան մէջ, թէ այժմ մեր եկեղեցւոյ գործածած ս. Միւռոնի օրհնութիւնը սկիզբն է առնում ս. Լուսաւորչից, և ամէն անգամ, երբ նոր Միւռոն օրհնելու համար հին Միւռոն ենք խաւնում՝ հետն անցնում է ս. Լուսաւորչի օրհնած Միւռոնի խմորը: Թէպէտ կայ նաև աւանդութիւն, որ Հայաստանի առաջին լուսաւորիչ ս. Թադէոսն արդէն Փրկչի օրհնած իւղ բերել էր հետը Պաղեստինից *), բայց բուն ազգային, աւելի ընդհանրացած և նշանակալից աւանդութիւն ս. Գրիգոր Լուսաւորչի մասին եղածն է:

Մենք չունինք ի հարկէ պատմական տեղեկութիւններ այն մասին, թէ ս. Լուսաւորիչ երբ և ինչպէս է օրհնել ս. Միւռոնը, թէ նորանից առաջ և յետոյ ինչպէ՞ս է ս. Միւռոն պատրաստուել և գործածուել: Բայց մեր ձեռքը հասել է մի հին յիշատակարան, որ բաւական լոյս է սփռում այս տեսակէտից ս. Լուսաւորչին շատ մօտ ժամանակի վրայ: Ս. Լուսաւորչի որդի և երկրորդ յաջորդ ս. Վրթանէսի ժամանակակից երուսաղէմի Մակար արքեպիսկոպոսը ս. Վրթանէսին գրած թղթի մէջ **) յայտնում է, որ նորա թուղթն իրեն բերող հայ քահանաներից տեղեկացել է, թէ ինչպէս Հայերի մէջ շատ տեղ եկեղեցական մի քանի կարգեր ըստ պատշաճին չեն

*) Տես է. Յ. Տաշեան.—Յուցակ հայերէն ձեռագրաց. Վիեննա. 1895 եր. 559.


**) Գիրք Թղթոց. 407 շ.

կատարուում. ուստի պարտք է համարում ցոյց տալ, թէ ընդհանրական եկեղեցւոյ մէջ ընդունուած կարգերը որոնք են և ինչպէս պէտք է կատարուին: Այստեղ ի միջի այլոց «սրբութեան իւզի» համար ասում է, որ եպիսկոպոսապետը պէտք է օրհնէ, և միայն բացառիկ դէպքերում եպիսկոպոսապետի հրամանով երկու կամ երեք եպիսկոպոս միացած կարող են օրհնել. իսկ հասարակ իւզը, որ գործ է ածուում հիւանդների կամ մեռեալների համար, այլ և մկրտութեան միջոցին՝ բուն օձման կարգից առաջ, կարող են քահանաներն ու առանձին եպիսկոպոսներ օրհնել: Այս կարգը, որի համար Երուսաղէմի արքեպիսկոպոսը քիչ յետոյ աւելացնում է, թէ սուրբ հայրերից աւանդած էր, ըստ երևութին երկար ժամանակ գրեթէ նոյնութեամբ պահուում էր մեր մէջ: Գոնէ Յովհան Օձնեցին, Ը. դարի սկզբում, իւր ժամանակին տեղի ունեցող ինչ ինչ զեղծումների դէմ կանոններ հաստատելով և շեշտելով այստեղ, թէ «սուրբ Միւռոնը, այսինքն անուշահոտութեան իւզը» Հայրապետը պէտք է օրհնէ, կարծես թէ թոյլ է տալիս, որ եպիսկոպոսներն էլ օրհնեն՝ տարին մի անգամ, աւագ հինգշաբթի օրը. իսկ քահանաները նոցանից առնելով՝ օձեն սեղան, եկեղեցի և խաչ, և մկրտութիւնից յետոյ գրոշմը տան: Իսկ գրոշմից առաջ գործածուող մկրտութեան ձէթը քահանան պէտք է օրհնէ՝ այնչափ միայն, որչափը կարևոր է միանգամուայ գործածութեան համար*): Պէտք է նկատել, որ ուրիշ եկեղեցիներում՝ բացի գրոշմի և օձման համար գործածուող ս. Միւռոնից, մինչև այժմ կայ քահանայի օրհնած հասարակ ձէթի գործածութիւնը՝

*) Յովհաննու Իմաստասիրի՝ Մատենագրութիւնք. Ջե. Ենաիկ. 1834. եր. 60.

ՀԱՅԿԱՍՏԱՆԻ ԳՐԱԴԱՐԱՆ
ՀԱՅԿԱՍՏԱՆԻ ԳՐԱԴԱՐԱՆ

«օծումն հիւանդաց» կարգը կատարելով, որ մեր
եկեղեցին չունի, և նման ԵՍՊԻՐԱՆՆԵՐՈՒՄ: Հոռմէա-
կան եկեղեցու մէջ քահանայն գրոշմ տալու իրա-
ւունքից զուրկ է. նա մկրտում է երեխային ջրով
և օծում իւր օրհնած ձէթով. բայց բուն գրոշմը
կարող է տալ միայն եպիսկոպոսը, որ մի քանի
տարին մի անգամ շրջում է իւր թեմը և այդ ժա-
մանակամիջոցում մկրտուած բոլոր երեխաներին
գրոշմ տալիս՝ ս. Միւռոնով, որ ամէն եպիսկոպոս
օրհնելու իրաւունք ունի: Մեր եկեղեցու մէջ քա-
հանայի ձէթ օրհնելու սովորութիւնը և բացի ս.
Միւռոնից ուրիշ որ և է օրհնած ձէթի գործածու-
թիւն վաղուց վերացել է: Բայց այս նկատմամբ
թէ ս. Լուսաւորչի անմիջական յաջորդների և թէ
Յովհանն Օձնեցու ժամանակ եղած զեղծումներն
ու թիւրիմացութիւնները ցոյց են տալիս, որ
առաջ էլ դժուար թէ ընդհանուր ընդունուած սո-
վորութիւն լինէր այդ: Նոյնպէս և եպիսկոպոսների
Միւռոն օրհնելը հազիւ թէ երբ և իցէ յաճախ
տեղի ունեցած լինի և ամէնքի համար յարգելի
կարգ եղած. այլ այն շրջանում, երբ դաւանական
խտրութիւն չկար մեր և օտար եկեղեցիների մէջ,
կամ երբ, ինչպէս Օձնեցու անմիջական մի շարք
նախորդների օրով՝ հայութեան ընդարձակ հատ-
ուածներ յունական աղղկնութեան ներքոյ էին
գտնուում, օտարներից վերցրած այդպիսի սո-
վորութիւններ կարող էին մոտաք գործած լինել մի
քանի գաւառներ. իսկ մեր հայրապետներն առհա-
պարակ ներողարար էին վերաբերուում այսպիսի



ՀԱՅԿԱՍՏԱՆԻ ԳՐԱԴԱՐԱՆ
ՀԱՅԿԱՍՏԱՆԻ ԳՐԱԴԱՐԱՆ

հետ կապ չունէին: Յայտնի է սակայն, որ մեզանում, հայրապետական իշխանութիւնն սկզբից և եթ այնպիսի կենտրոնացնող ոյժ ունէր և մասնաւանդ քաղաքական իշխանութեան անկումից յետոյ այնպիսի հեղինակութիւն ստացաւ ամբողջ ազգութեան աչքում, որ ս. Միւռոնի մէջ մարմնացող շնորհարաշխութեան իրաւունքը՝ իբրև հոգևոր կոչման բարձրագոյն արտօնութիւն, ըստ ինքեան պէտք է կենտրոնանար յանձին Հայրապետի: Որ այդ կենտրոնացումը Օձնեցուց շատ առաջ արդէն տեղի էր ունեցել, երևում է նոյն իսկ նորա հաստատած կանոնից. ապա թէ ոչ, եթէ եպիսկոպոսները կաթողիկոսի հաւասար իրաւունք են ունեցել, եթէ այստեղ բուն բնագրի բառերի և դասաւորման փոքրիկ փոփոխութիւն չի կատարուել, կամ բացառութիւնների մասին չէ խօսքը, ի՞նչ հարկ կայ սկզբից և եթ շեշտելու «Պարտ և արժան է զսուրբ Միւռոնն, այսինքն զիւրն անուշահոտութեան, հայրապետին օրհնել»: Գոնէ Օձնեցուց մի դար առաջ կատարուած ս. Միւռոնի օրհնութեան մեզ յայտնի ամենահին նկարագրից տեսնում ենք, որ բացառիկ դեր կատարողն այստեղ հայրապետն է, և թոյլ չի տրուում ամենևին մտածել, թէ ամեն մի եպիսկոպոս, կամ եպիսկոպոսների մի խումբ կարող էր Միւռոն օրհնել:

Այդ միւռոնօրհնութիւնը կատարուել է մեր եկեղեցւոյ պատմութեան ամենանշանաւոր օրերից մէկում, որով և առանձնապէս խորհրդաւոր նշանակութիւն է ստանում: Ս. Գրի-

գոր Լուսաւորչի . քարոզութեամբ կազմակեր-
 պուած եկեղեցին շատ ծանր օրեր էր անցնում
 է. դարի սկզբին. առաջին անգամ նորա մէջ մեծ
 պառակտում էր յառաջացել և խոշոր հատուած-
 ներ նորանից բաժանուելու վրայ էին: 80 տարի
 առաջ Բիւզանդական կայսրները, Քաղկեդոնի ժո-
 դովի ուսմունքը պաշտօնական դաւանութիւն
 դարձնելով իրենց պետութեան սահմաններում՝
 շարունակ աշխատել էին նոյն դաւանութիւնն ըն-
 դունել տալ նաև այս ինքնուրոյն եկեղեցական կազ-
 մակերպութեանը, որ ամուր պահելով նախնեաց
 հաստատած դաւանանքը՝ խորթացել էր կարծես
 քրիստոնեայ արևմուտքից և աւելի յօժարու-
 թեամբ էր հպատակուում հեթանոս արևելեան
 պետութեան. բայց չէին յաջողել: Նոցանից վեր-
 ջինը սակայն՝ Մօրիկ զօրեղ և իւր նպատակին
 հասնելու համար միջոցների մէջ խտրութիւն
 չէնող կայսրը, յոյսը կտրած ամբողջը միատեղ
 գրաւելուց և օգտուելով արևելքում իւր ժամա-
 նակաւորապէս ձեռք բերած մեծ ազդեցութիւնից
 և իշխանութիւնից, յաջողել էր Ջ. դարի վերջին
 պառակտում ձգել այս եկեղեցու մէջ և սպանում
 էր մեծ մեծ հատուածներ խլել նորանից: Ջլա-
 տելու համար ընդհանրական հայրապետի իշխա-
 նութիւնն ու հեղինակութիւնը, իւր ձեռն անցած
 հայկական նահանգներում նա առանձին հակա-
 թոռ կաթողիկոս էր հաստատել տուել Յովհան
 Աւանեցուն, օրինական Մովսէս Եղուարդեցի
 հայրապետին թողնելով միայն Պարսից իշխա-
 նութեան ներքոյ գտնուող մասերը: Ապա գրա-

ւել էր Վրաց կաթողիկոս Կիւրիոնին, և սա աւելի
 ու աւելի համարձակ կերպով տարածում էր Քաղ-
 կեդոնի ուսմունքը Վրաց եկեղեցւոյ սահմաննե-
 րում, որ մինչ այդ դաւանական, վարչական, ծի-
 սական և այլ ամէն տեսակէտներով Հայոց եկե-
 ղեցու ենթակայ անբաժան կրտսեր քոյրն էր
 եղել: Ազուանից եկեղեցին ևս, որ նոյն յարա-
 բերութեան մէջ էր Հայոց եկեղեցու հետ, ժա-
 մանակաւորապէս, ինչ ինչ արտաքին հանգամանք-
 ների պատճառաւ՝ կտրել էր սորանից հոգևոր հա-
 զորդակցութիւնը և դարձեալ դէպի քաղկեդոնա-
 կանութիւն հակամետութեան նշաններ էր ցոյց
 տալիս: Այսպիսի պայմաններում, Մօրիկ կայսեր
 հետ գրեթէ միաժամանակ, վախճանել էր Մովսէս
 Եղուարդեցին և հայրապետական աթոռը մի քանի
 տարի թափուր էր մնացել, որ քիչ չէր նպաստել
 եկեղեցական կազմի խախտուելուն, և ահա Պարսից
 պետութեան մէջ մեծ պատուի և իշխանութեան
 հասած հայ նախարարներից մէկը՝ Սմբատ Բագ-
 րատունի Վրկանայ մարզպանը, ժողովում է նախ-
 նեաց աւանդին հաւատարիմ մնացած եպիսկո-
 պոսներին և ազգի մեծամեծներին ու նոր կա-
 թողիկոս ընտրել տալիս: Երբ նորընտիր հայ-
 րապետը՝ Արրահամ Աղբաթանեցին, օծումն ըն-
 դունեց և հայրենի հաւատոյ սահմանում հաւա-
 տարիմ մնալու գիր առաւ ըլոր ներկայ եղող
 այն եպիսկոպոսներից և հոգևորականներից, որոնք
 առժամանակ ենթարկուել էին յունական ազդե-
 ցութեան, ջլատուած, ճղակոտոր եղած և նորից
 ի մի ձուլուած հօտի առաջնորդները կարիք զգա-

ցին իրենց միութեան ուխտը կնքել պատշաճագոյն հանդիսով, և նոցա խնդրանօք նոր հայրապետը ս. Միւռոն օրհնեց՝ ոգևորիչ փառաւորութեամբ: Այս հանդիսի նկարագրութեան մէջ*) ասուած է՝ ա) որ Մովսէս կաթողիկոսի մահից յետոյ Միւռոն չէր օրհնուել, և Վրթանէս վարդապետի տեղապահութեան ժամանակ հանգուցեալ կաթողիկոսի օրհնած Միւռոնն էր բաժանուել եկեղեցիներին. ուրեմն Միւռոն օրհնելը վերապահուած էր կաթողիկոսին, եպիսկոպոսները չէին օրհնում. բ) որ ս. Միւռոն օրհնելուց յետոյ հայրապետը միւս օրը բաժանեց բոլոր ներկայ եղողներին, և նոքա ուրախ ուրախ ցրուեցին իրենց տեղերը. այստեղից հաւանական է երևում, որ Օձնեցու կանոնն էլ այնպէս պէտք է կարգալ, թէ հայրապետը ս. Միւռոն օրհնում էր, իսկ եպիսկոպոսներն ու քահանաները տարին մի անանգամ նորանից ստանում և զործադրում էին. գ) որ Վրթանէս տեղապահը «իւղագործաց արուեստի» համաձայն արդէն նախօրօք պատրաստել էր «օծութեան իւղը». մնում էր ամբողջ գիշերը հսկում և պաշտօն կատարել և ամբողջ ցերեկն էլ բուն օրհնութեան խորհրդի վերայ տքնել, մինչև գլուխ եկաւ ամէն ինչ. ուրեմն ըստ էականին ս. Միւռոնը, գոնէ է. դարու սկզբին՝ նոյն կազմութիւնն ունէր և նոյն ձևով էր օրհնուում, ինչ որ այսօր:

*) Ուխտանէս եպիսկոպոս՝ Պատմութիւն հայոց. Վաղարշապատ, 1881. եր. 67.

Իսկ թէ յաջորդ դարերում արգէն ինչ անփոխարինելի սրբութիւն էր ս. Միւռոնը հայ քրիստոնէի աչքում՝ դրան վկայ ժ. դարումեծ օրհներգակ Գրիգոր Նարեկացին, որ իւր յայտնի ազօթադրքի վերջին խօսքը նուիրել է «սրբալոյս իւղոյն Միւռոնի» երկարաշունչ օրհնարանութեան: Ս. Գրքից վերցրած բազմաթիւ վկայութիւններով և իւղի աշխարհօրէն գործածութեան օգտաւէտ կողմերն օրինակ առնելով՝ որչափ և «թարգմանօրէն» (Դիոնեսիոս Արիոպագացուց), բայց դարձեալ իրեն յատուկ ճոխ պատկերաւորութեամբ, նա մի առ մի նկարագրում է սրբազան իւղով նուիրադործման բազմազան արդիւնքներն անցեալում և քրիստոնէի անձի վերայ: Այս դարմանահարաշ լուսոյ օրհնութեան իւղը, Քրիստոսի անուամբ և ս. Հոգւոյ շնորհօք կնքելով՝ զանազանատեսակ ազգերի բերում իրար է խառնում և դարձնում մի քրիստոսեան ժողովուրդ, նոյն երկնաւոր Հօր հարազատ որդիներ: Ինչպէս որ Հին Ուխտի մէջ որոշուած էր զոհի իւղային մասերը կերակրի համար չգործածել, այլ Աստուածութեան նուիրել, իբրև ձենձեր գոհացողական, այսպէս և Նոր Ուխտի մէջ օրհնութեան իւղը հանդիսանում է իբրև զօրութիւն Տեառն մատչելի, որ մեր հոգուն ճանապարհ է տալիս՝ դէպի երկնային կայանները վերանայու և Արարչին ձոնուելու: Ինչպէս ճրագի իւղը լոյս է արտադրում և մեր շուրջը լուսաւորում, այնպէս և սրբալոյս Միւռոնը հոգևոր լուսաւորութեան միջնորդ է մեզ համար: Ինչպէս որ

իւզով թաթախուած պատրոյզը վառուում է և հուր արձակում, երբ կրակ են մօտեցնում նրան, այնպէս և մենք հանդերձեալ կեանքում հանդէս պիտի գանք հրեղէն բնութեամբ, երբ երկնային կայծը մեզ գիպչի: Ինչպէս իւզը հեշտ կերպով միանում է մարմնի հետ և ջրով չի լուացուում, այնպէս և ս. Միւռոնը մեզ հետ անքակտելի կերպով միացնում է ս Հոգւոյ զօրութիւնը: Ինչպէս իւզը թափանցիկ է գարձնում մարմինները լուսոյ համար, այնպէս և ս. Միւռոնը մեզ՝ աստուածային ազդեցութեանց համար: Ինչպէս ըմբիշները իւզով օծում են մարմինները՝ հակառակօրդից պաշտպանուելու, այնպէս և ս. իւզը մեզ պաշտպանում է չարի զօրութիւնից: Ինչպէս իւզը փայտէ ամաններն է ամրացնում, այնպէս և ս. Միւռոնը մեր հոգւոյ մարմնեղէն անօթը: Ինչպէս իւզով բժշկութիւն են կատարում և փաստակար մօեղներ ոչնչացնում, այդպէս և ս. իւզը բժշկարար է մեր հոգու համար և չարի ներգործութիւնները ոչնչացնող: Այլ և ծագիկներով ու անուշահոտ խնկեղէնով համեմուած իւզից ս Միւռոն կազմելը մի ստուերական օրինակ է աստուածային անճառ և անհամեմատելի բազմադիմի անուշութեան: Ըստ այսմ՝ Նարեկացին կնքում է իւր օրհնաբանութիւնը մի սրտարուխ աղօթքով. որ ս. իւզոյ օձմամբ վառեալներին ջուրը չողողէ, հուրը չայրէ, սառնութիւնը չցրտացնէ, փաստակար հոգմը չհանգցնէ, որ և պղծութիւն չազտեղէ, և այլն:

Յաջորդ ԺԱ. դարում, Բագրատունեաց թագաւորութեան կործանումից յետոյ, երբ Պետրոս

Գետադարձ կաթուղիկոսը, որ դժբախտաբար շատ տխուր դեր էր կատարել Անի մայրաքաղաքը Յունաց ձեռքը յանձնելու մէջ և դորա համար առժամանակ պատուի ու պարգևների արժանացելից. Պօլիս կանչուեցաւ,—երկիւղ կրելով իրաւամբ, թէ մի գուցէ չթողնեն իրեն այլ ևս իւր հօտի մօտ վերադառնալ, 400 լիտր Միւռոն երկաթէ ամաններով թաղում է գիշերը *) Ահուր—Ախուրեան գետի յատակում, Անի քաղաքի մօտ, որպէսզի Յոյների ձեռքը չընկնի: Այս զգուշութեան մի պատճառն այն կարող էր լինել, որ թէպէտ Գետադարձը իւր քրոջ որդի Սաշիկ Բ.-ին իւր փոխանորդ հայրապետ էր կարգել, բայց վախենում էր, որ Յունաց բռնութեան երեսից նա ևս չկարողանայ հայրապետական իշխանութիւն վարել ու ս. Միւռոն օրհնել, և Հայերը մնան առանց Միւռոնի. բայց պատմչի ակնարկած միւս պատճառն էլ այն էր երևի, որ Յոյները արհամարում էին Հայերի Միւռոնը, իբրև նոցա դաւանական խտրութիւնը շեշտող մի գլխաւոր սրբութիւն, և եթէ ձեռք ձգէին, կանարգէին, կամ ոչնչացնելով՝ նեղ դրութեան մէջ կգնէին հայերին: Այս հաստատում է նոյն Պետրոս կաթուղիկոսի կեանքի մի ուրիշ դիպուած, որ երբ Տրապիզոն էր գնացել Վասիլ Բ. կայսեր հետ տեսակցելու համար և Աստուածայայտնութեան տօնի օրը հրաման ստացաւ կայսրից ամենայն շքով Զրօրհնեաց հանդէսը

*) Մատթէոս Ուռհայեցի՝ Ժամանակագրութիւն. Վաղարշապատ, 1898, հր. 104.

կատարել՝ ս. Միլոոնը ջրի մէջ կաթեցրած ժամանակ, ասուած է*) , լուսոյ ճառագայթների մի ցնցուղ փայլատակեց շուրջը, որ տեսանելի էր ամբողջ բազմութեան: Այս զրոյցը յետոյ աւելի ճոխացրած՝ պատմում են**), թէ ոչ միայն սաստիկ հուր ցուաց ջրի վրայ, այլ և գետը մի վայրկեան կապուեց ու անշարժ մնաց՝ իբրև երկնային ապացոյց Հայոց Միլոոնի սրբութեան, որ Յոյները չընդունելով՝ կամենում էին նոցա Միլոոնով սրբուած ջուրը նորից օրհնել:

Նման մի նկատմամբ է անշուշտ, որ երբ ժ. գարում Ներսէս Շնորհալու օրով միութեան ինչիւր ծագեց Յոյների և Հայերի մէջ, Յունաց Մանուէլ կայսեր կողմից Հայոց կաթուղիկոսին եղած 9 առաջարկներից մէկն այն էր, որ Հայերը ս. Միլոոնը ծառերի պտղից եղած ձիթով պատրաստէին: Ինչպէս ժամանակակից մեր եկեղեցւոյ հայրերը բացատրում են, Հայաստանում ձիթենու իւր դժուարութեամբ ճարելը միայն պատճառ կարող է եղած լինել, որ նախընթաց խոովայոյզ ժամանակներում շատ անգամ հասարակ ձէթ է գործածուել, թէ չէ սովորականը և անպայման ընդունելին նաև Հայոց համար եղել է միշտ ձիթենու իւրը: Այսպէս, երբ 1441 թուին հայրապետական աթոռ ս. Էջմիածին փոխադրուեց՝ այդ մեծ ձեռնարկութեան գլխաւոր հեղինակներից մէկը, Թովմա Մեծոփեցի վարդապետը, կի-

*) Արիստակէս վ. Լաստիվերցի՝ Պատմութիւն. Վեներիկ, 1901. եր. 19.

**) Առհայեցի. եր. 50.

լիկիայում գործադրուած գեղծումներէ թուում, որոնք պատճառ եղան Աթոռի փոխադրութեան, յիշում է մինչև իսկ, որ «Աստուածագործակ Միւռոնի» փոխարէն հասարակ ձիթապողի ձէթ էին գործածում այնտեղ^{*}), այսինքն Հայոց եկեղեցւոյ կանոնի համեմատ նոյն ձէթը անուշահոտ խունկերով ու ծաղկունքով շէին համեմում: Ինչպէս ուրիշ եկեղեցական կարգեր, որ նախորդ դարերում Աթոռի աստանգական և օտար ազգեցութեան ներքոյ լինելովը՝ մասամբ խանգարուել էին, ևս. էջմիածին փոխադրուելուց յետոյ նախնեաց աւանդութեան համեմատ վերահաստատուեցան, և ապա անփոփոխ շարունակուեցին մինչև մեր օրերը, այդպէս է ևս. Միւռոնի օրհնութեան կարգը՝ ձիթենու իւղով և անուշահոտ իւղերի, խունկերի և ծաղկանց նիւթերի համեմունքով պատրաստելու հնաւանդ սովորութիւնը: Մեծօփեցին մի շարք տեսիլներ պատմելով, որոնք իբրև գուշակութիւն էին նկատուում ս. էջմիածնի հրաշալի վերանորոգութեան համար, յիշում է նաև մի բարեպաշտ հայի իրեն պատմած երազը, թէ ինչպէս տեսել էր իրեն ս. էջմիածնի բեմի վրայ նստած, գոգը վարդով լիքը, և ամեն կողմից հայեր գալիս այդ վարդից վերցնում էին. ապա ինքն էլ իսկոյն մեկնում է, թէ ս. Միւռոնն է այդ, որ ս. էջմիածնից պիտի տարածուէր ամեն տեղ^{**}):

^{*}) Թովմա Մեծօփեցու Յիշատակարանը. Թիֆլիզ, 1892. եր. 56

^{**}) Նոյն Յիշատակարան. եր. 64.

Յիրաւի, երբ Հայոց ազգի այս մեծերախտ վար-
դապեան իւր ընկերներէ հետ այնպէս զարմա-
նալի կերպով յաջողեց Սթոուը ս. էջմիածնում
հաստատել և նոր հայրապետ ընտրել ու օծել կի-
րակոս Վիրապեցուն, նոցա կարևորագոյն հոգ-
սերից մէկը եղաւ՝ Հոգեգալստեան տօնին մեծա-
հանդէս ժողովով ս. Միւռոն օրհնել և Հայաստանի
բոլոր կողմերն ուղարկել, կանոն դնելով, որ
այնուհետև ճրիաքար բաշխուի ամենուրեք ս. Միւ-
ռոնը, հակառակ երևի կրկիկիայում այս նկատ-
մամբ մուտք գործած զեղծումներէ:

Թէպէտ Սթոուի փոխադրութիւնից յետոյ ս.
էջմիածինը շատ դառն և տագնապալից ժամա-
նակներ անցկացրեց՝ արտաքուստ շարունակ ծանր
ոնութեան, ճնշումների և կեղեքումների ենթա-
կայ, ներքուստ խեղճ, անշուք և մշտակարօտ վի-
ճակի մէջ, ունայն տենչերով միմեանց ձևօրից
իշխանութիւն խլող և յաճախ մէկը միւսից աւելի
ապիկար աթոռակալների խաղալիք, և մօտ եր-
կու դար տեեց այդ թշուառ շրջանը. սակայն
աշխարհի ամէն կողմերը ցրուած և շատ տեղեր
Ս. Սթոուից աւելի ոգորմելի դրութեան մէջ գլու-
նուող Հայ ժողովրդի համար այնքան մխիթա-
րական էր մտածել, որ իւր հոգևոր կեանքի մի
կենտրոն ունի մայրենի հողի վերայ՝ նոյն տեղում,
որ ս. Լուսաւորիչ իւր առաքելական քարոզու-
թեան և հայրապետական իշխանութեան հիմքը
հաստատեց. այնքան ամուր էր հաւատը, թէ առ-
կայծեալ պատրոյզը չպիտի շիջանէր և ջախջախ-
եալ գաւազանոջ չպիտի խորտակուէր, — մինչընդ-

հանրական հայրապետի բարոյական հեղինակութիւնը գնալով աւելի ու աւելի զօրացաւ և ս. Էջմիածնի անունը նուիրական դարձաւ ամբողջ հայութեան համար: Մանաւանդ ժէ. և ժԸ. դարերում, Մովսէս Տաթևացի վերանորգիչ հայրապետից սկսած, երբ Մ. Աթոռն իրօք նորոգուեց, շէնացաւ, կենդանացաւ, պայծառացաւ, դարձաւ լուսոյ և բարոյական վերածնութեան մայր հաւատարիմ հօտի համար. երբ մի շարք հոյակապ անձնաւորութիւններ յաջորդաբար հայրապետական Աթոռի վերայ բազմելով՝ միմեանց գերազանցել էին ձգտում իրենց շինարարութեամբ և Աթոռի ներքին բարեկարգութեամբ. երբ նոցա ուղարկած նուիրակները հասնում էին Սպահան, Հնդկաստան, Արիւս, Պոլիս, Լեհաստան, Իտալիա, Հոլանդիա, այդ տեղերում պատմական դժբաղդ պատահարների բերմունքով հաստատուած և նիւթական բարօրութեան հասած հայ գաղութներին՝ հայրապետական ողջոյն, Էջմիածնական սրբութիւնների օրհնութիւնը, ս. Միւռոն տանում, հայրենի աւերակների և նոցա շուրջը դեռ բռնութեան ներքոյ հեծող ժողովրդեան արեան արցունքի պատմութիւնը, մայրենի հող ու ջրի կարօտը տանում, և բերում հետն առատ նիւթական ճոխութիւններ, քաղաքակիրթ աշխարհի նորութիւններ՝ նոր գաղափարներ և ձգտումներ, — ս. Էջմիածնի ու Հայրապետութեան վարկը իւր բարձրութեան գագաթնակէտին հասաւ, և նոքա դարձան ամէնքի համար գիտակցաբար սիրելի և պաշտելի մեծութիւններ. ս. Միւռոնն ևս, իբրև

նոցանից ընդունած ամենաթանկագին նուէրը, նոցա հետ ունեցած հոգևոր կապի ամենախորհրդաւոր միջնորդը՝ նոյնչափ աւելի յարգի ու նուիրական:

Իբրև նուիրակ և իբրև հայրապետ (1773 — 1780 թ.) մեր եկեղեցւոյ պատմութեան այս նշանաւոր շրջանի մի ամենարդիւնաշատ ներկայացուցիչն է յաւերժ յիշատակաց արժանի Սիմէոն Երևանցին, և շատ քչերն են եղել նորանից առաջ և նորանից յետոյ, որ ս. Էջմիածնի բարոյական մեծութեան, հայրապետական իշխանութեան վեհութեան և ս. Միլոոնի սրբութեան մասին այնպիսի բարձր գաղափար ունենային, ինչպէս նա, որի դեռ վարդապետութեան օրերից շատ ձեռագիր օրինակներով մնացած քարոզների մէջ գրուածն էնք տաղանդաւոր և խիստ ոգևորեալ արտայայտութիւնն այդ գիտակցութեան: Այդ քարոզներից մէկում, խօսելով ս. Գրիգոր Լուսաւորչի մասին՝ նա ասում է. «Այս ամենագովելի անձը այնքան առաջ գնաց իւր անօրինակ ճրգնութիւններով և անմարմնական վարքով, և այնպէս սիրելի ու հաճոյ եղաւ ամենագթած Աստուծուն, որ մի անգամ ընդհանուրի փրկութեան համար եկած Աստուծոյ Բանին իւր սիրովն ու աղօթքով կրկին անգամ իջեցրեց այս Այրարատեան երկրում, Վաղարշապատի դաշտում, Հայոց բնիկ օթևանում՝ յատկապէս Հայոց ազգի համար... Եւ այստեղից կենդանարար ջուր և մշտահոս աղբիւր բղխեց՝ այսինքն ս. Հոգւոյ բազմապարգև շնորհքը, որ Աստուածագործ Միլոոնի միջոցաւ

բաշխուում է բոլոր եկեղեցիներին, և հաւատա-
ցեալներին հոգիները նորանով ոռոգուած՝ պա-
րարտանում ու պտուղ են տալիս»։—Ապա, ինչ
պէս Փրկիչը ս. Յովհաննէս Մկրտչի մասին հարց-
նում էր, ինքն էլ ս. Էջմիածնի մասին մի շարք
հարցումներ է տալիս՝ ի՞նչ տեսնելու էիք եկել, և
իւր պատասխաններից մէկի մէջ ասում է. «Յայտնի
և անվիճելի է, որ ամէն օրէնք և կրօնք, ամէն
կարգ ու շնորհարաշխութիւն, ամէն հոգեշէն քա-
րոզ և վարդապետութիւն բղխում է Էջմիածնի
այս սուրբ Աթոռից, ինչպէս ազրիւրից, և ապա
տարածուում բաշխուում բոլոր եկեղեցիներին
ու եկեղեցականներին՝ Քահանայապետի ձեռքով,
որ բոլորի գազաթն է, և Աստուածազործ սրբա-
բար Միւռոնի շնորհքովը»։—Որպէս զի ս. Էջ-
միածնին նայողը՝ արտաքին խեղճութիւնից և
պակասութիւններից սխալ գաղափար չկազմէ՛նօ-
րա ներքին արժանիքի մասին, ս. Գրքից վեր-
ցրած վկայութիւնը*) բացատրում է այսպէս. «Կե-
դարու վրանի նման սև է և տրտում (արտաքուստ՝
ս. Էջմիածինը), ժամանակի բերմանց հեռա-
նօք, բայց ուրախ է և գեղեցիկ Սողոմոնի խո-
րանից աւելի՝ իւր Աստուածազարդ կազմութեան
և հոգևորական փառաւորութեան շնորհիւ»։—Իսկ
ս. Միւռոնի համար ասում է. «Ինչպէս որ մար-
մնաւոր այգիներն ու պարտէզները ինչ որ ունին
և առաջ են բերում՝ ջրով ոռոգուելուց է, այնպէս
էլ բոլոր եկեղեցիներն ինչ որ ունին և առա-

*) Երգք 1, 4.

ջացնում են՝ ս. Միւռոնի ոսոգման շնորհիւ է, որ ս. Էջմիածնից է բղխում:»—Մի ուրիշ տեղ դարձեալ ս. Միւռոնի մասին աւելացնում է. «Քահանայապետական բոլոր սրբազնագործութիւնները Միւռոնով են կատարում ընդունում. ինչպէս եկեղեցի, սեղան, խաչ, քահանայ և ուրիշ եկեղեցական ամէն ինչ Միւռոնով է օծւում և սրբուում. այդ պատճառով և եկեղեցւոյ բոլոր խորհուրդների մէջ մկրտութիւնը և Միւռոնի օծումը գերադաս են, իբրև մնացած բոլորի դուռ և ճանապարհ»:

Արարատեան երկրի և ս. Էջմիածնի Ռուսաց տիրապետութեան ներքոյ մտնելուց յետոյ՝ ընդհանուր ուխտագնացութեան հետ, յատկապէս ս. Միւռոնի օրհնութեան աւթիւ Մ. Աթոռ ուխտի զալը բնականաբար շատ աւելի դիւրին դարձաւ, քան նախկին դարերում երբ և իցէ լինէր կարող էր. բարեխնամ կառավարութեան հովանու ներքոյ կատարեալ ապահովութիւն վայելող մեծ սրբավայրը սկսեց հետզհետէ աւելի ու աւելի մեծ և բազմերանգ բազմութիւն գրաւել իւր մօտ և Միւռոնօրհնութեան հանդէսը ստացաւ իրօք համազգային, խիստ մեծաշուք բնաւորութիւն: Մեր ժողովրդի մէջ տարածուած է այն կարծիքը, թէ մեզանում ս. Միւռոն օրհնուում է 7 տարին մի անգամ. բայց իրօք միւռոնօրհնութիւն տեղի է ունենում պէտքի համեմատ՝ սովորաբար 4—5 տարին մի անգամ. թէպէտ հանգամանքների շնոր-

հիւ այս ժամանակամիջոցը երբեմն նոյն իսկ եօթ տարուց աւելի է տևել: Վերջին ժամանակ՝ Երջանկայիշատակ Գէորգ Դ.-ի հայրապետութիւնից սկսած, ս. Միւռոնն օրհնուել է 1868, 1872, 1878, 1882 թուականներին Տ. Տ. Գէորգ Դ.-ի, 1886 և 1890 թուականներին Տ. Տ. Մակար կաթուղիկոսի, 1897 և 1903 թուականներին Տ. Տ. Մկրտիչ կաթուղիկոսի ձեռքով. իսկ Հոգելոյս Տ. Տ. Մատթէոս Բ.-ի անակնկալ վախճանը արգելք եղաւ իւր մտադրութիւնն իրագործելու և անցեալ 1911 թ.-ի դարնան ս. Միւռոնն օրհնելու, որի համար արդէն սկսուած էր պատրաստութիւն տեսնել: Յիշեալ բոլոր միւռոնօրհնութեանց հանդէսները աւելի կամ պակաս մանրամասնութեամբ նկարագրուած են նոյն թուականների «Արարատ»ի մէջ, շատերը նաև ուրիշ պարբերական հրատարակութիւններում*): Առանձնապէս բազմամարդ են եղել և հանդիսաւոր 1872, 1882 և 1890 թուականների միւռոնօրհնութիւնները: 1878 թուին, նախընթաց ուս-

*) 1882 թուի հանդիսի նկարագրութիւնը տես «Արձագանք» № 15, եր. 225. Արք. Ելվազեանի յօդուածում նոյն թուականի № 13-ում, եր. 193, մի ուշադրաւ յօդուած ունի «ս. Միւռոնի օրհնութեան» մասին յայտնի հնախօս Ա. Երեցեանը՝ «Համբո» ստորագրութեամբ: Մի ուրիշ յօդուած գրել է նա 1890 թուի միւռոնօրհնութեան առթիւ նոյն թուականի «Արձագանք»ի № 29-ում: Նախկին հանդէսներից Տ. Տ. Ներսէս Ե. Աշտարակեցու՝ իւր օծման տարին, 1846 ին, կատարած միւռոնօրհնութիւնը նկարագրել է տեղանախս Մուրափեօվը Грузія и Армения գրքում. С. II. В. 1848, часть II. стр. 192—202.

տաճկական պատերազմի հետևանքով առաջուց հրաւէրներ չեն ուղարկուել հեռու տեղեր, ինչպէս սովորութիւն է. ուստի հանդիսին մասնակցել են աւելի շրջակայքի և մօտիկ տեղերի բնակիչները: Նոյնը եղաւ նաև 1897 թուին, որովհետև նախորդ 1896 թ.-ի սեպտեմբերի համար առաջուց յայտարարած հանդէսը տեղի չունեցաւ՝ Տաճկահայաստանում շարունակուող կոտորածների և յարակից սգարեք հանգամանքների շնորհիւ. իսկ 1897 թուին Մ. Աթոռում նորոգութիւններ էին կատարում. ենթադրուում էր, որ եթէ վաղօրօք յայտարարուէի միւլուոնօրհնութեան մասին՝ հնար չի լինի ժողովուած բազմութեանը տեղաւորել: Սակայն՝ մինչ նոյն թուականի «Արարատ»-ի օգոստոս տետրակում (եր. 368) և Միւլուոնի կաթսան Մայր Տաճարի սեղանի վրայ դնելու առթիւ, 40 օր յետոյ՝ սեպտ. 14-ին, Սաչվերացի տօնի օրը կատարուելիք միւլուոնօրհնութեան մասին ծանուցանելիս՝ յոյս է յայտնուում, թէ 1902 թուին, և էջմիածնի հիմնարկութեան 1600-ամեակը տօնելու հետ՝ պատշաճագոյն հանդիսաւորութեամբ և Միւլուոն կօրհնուի, և ջերմեռանդ ուխտաւորներ վաղօրօք կհրաւիրուեն՝ հազարաւորներով ժողովուել վերանորոգուած և էջմիածնի սրահներում, դժբաղդարար այդ տարին կարելի չեղաւ և. Միւլուոն օրհնել, և յաջորդ 1903 թուին, կալուածների գրաւումից յետոյ՝ շատ յարգելի պատճառներ ստիպեցին միւլուոնօրհնութիւն կատարել յանկարծակի և բոլորովին առանին կերպով: Եւ ահա այնուհետև 9 տարի է անցել, որ նոր Միւլուոն

չի օրհնուել. մի ժամանակամիջոց, որի նման
 երկարը միւսոնօրհնութիւնների մէջ անցեալում
 էլ երեւի շատ քիչ անգամ պատահած կլինի:
 Իսկ եթէ ի նկատի ունենանք, որ նախորդ երկու
 միւսոնօրհնութիւններին ևս հեռարնակ հայեր
 հնարաւորութիւն չեն ունեցել ներկայ գտնուելու,
 կհետևի, որ 1890 թուից ի վեր՝ այս 22 տարուայ
 ընթացքում, աճող մի ամբողջ սերունդ կարօտ է
 մնացել հայրենաւանդ մեծ հանդիսին: Ընդհակա-
 ռակն՝ նոյն այս վերջին ժամանակաշրջանում
 հայարնակ վայրերի հաղորդակցութիւնը Մ. Աթոռի
 հետ անհամեմատ չափով հեշտացել է. ոչ միայն
 Ռուսաստանում և քաղաքակրթեալ աշխարհում
 ապրողներ, այլ Տաճկաստանի և Պարսկաստանի
 հայերն ևս վերջին տարիներս ամէն դիւրութիւն
 ունին ուխտի գալու ս. Էջմիածին: Ուստի պէտք
 է սպասել, որ առաջիկայ միւսոնօրհնութիւնը մի
 արտաքոյ կարգի հանդէս կլինի հեռու և մօտիկ
 տեղերից ի մի խոնուած բազմերանդ հայութեան,
 և յուսալ, որ նախնեաց բարեպաշտութիւնն ու
 ջերմեռանդ սէրը դէպի Մ. Աթոռ նորոգ կենդա-
 նութիւն պէտք է գտնէ և անջնջելի յիշատակ
 թողնէ այդ ուխտաւոր բազմութեան սրտերում:

Անշուշտ միայն մի փոքր մասն այդ բազ-
 մութեան բաղդ պիտի ունենայ տեղ գտնելու Մ.
 Տաճարում և ի մօտոյ տեսնելու հանդէսը. մինչ-
 դեռ բոլորեքեան կցանկանային իմանալ, թէ ի՞նչ
 պէս է պատրաստուում ս. Միւսոնը և ինչպէս
 կատարուում հանդէսը: Փորձենք համառօտօրէն
 կարագրել:

Մ. Աթոռի մատենադարանում միւսոսնօրհնութեան կարգը միայն 6 ձեռագիր: մաշտոցների մէջ գտանք, որոնք, գրուած լինելով ժԳ—ժԸ դարերում՝ գրեթէ բոլորովին նոյնութեամբ են առաջ բերում բոլոր խրատներն ու ընթերցուածները, ինչ որ 1876 թուին ս. էջմիածնում տրպուած և ներկայումս գործածական օրինակը: Միայն նորագոյն, 1721 թուին երուսաղէմում ընդօրինակուած՝ ձեռագրի մէջ (№ 976) Մարկ. 14, 3—9 Աւետարանից յետոյ ս. Աթանասի անունով մի աղօթք կայ աւելի, որի կողքից Տ. Տ. Գէորգ Դ. իւր ձեռքով գծել է և լուսանցքում դիտել, թէ չպիտի կարդացուի: Իսկ հնագոյն ժԳ. դարի ձեռագրում (№ 959) բացի այժմեան գործածականից գտնում ենք նաև մի ուրիշ համառօտ կարգի հատուած, որ թերևս գործածական է եղել նախկին դարերում: Յամենայն դէպս կարելի է վստահութեամբ ասել, որ գոնէ ժԳ. դարից այս կողմ նոյնութեամբ պահուել է այժմեան կարգը: Յիշածս 6 ձեռագրերից միայն 4-ի մէջ կայ այն նիւթերի ցանկը, որոնք խառնուում են ձիթենու իւղի հետ ս. Միւսոն պատրաստելու համար, և այդ ցուցակը բոլորի մէջ գրեթէ նոյնն է, նոյն դասաւորութեամբ, միայն տառական տարրերութիւններով.

Ահա այդ ցուցակը՝

1. Պալասանի փայտ ու հունտ խասապտրիբէ
ա. թուխտ.
2. Մնպուլ նուկի և կէս

- | | | | | | |
|-----|----------------------------|---|---|---|-----------|
| 3. | Խարանափուլ | . | . | . | » |
| 4. | Ճօսպէ | . | . | . | » |
| 5. | Քապապէ | . | . | . | » |
| 6. | Պասպասէ | . | . | . | » |
| 7. | Սատէճ Հնդի | . | . | | ա. թուխտ. |
| 8. | Դարսենի | . | . | . | հուկի |
| 9. | Զնճպիլ | . | . | . | » |
| 10. | Մազդաքէ | . | . | . | » |
| 11. | Հայ խունկ | . | . | . | » |
| 12. | Լատան | . | . | . | » |
| 13. | Միանատայիլէ | . | . | . | ա. թուխտ. |
| 14. | Հոռոմ խունկ | . | . | . | հուկի |
| 15. | Խաւրտամանայ | . | . | . | ա. թուխտ. |
| 16. | Ըստորք խունկ | . | . | . | » |
| 17. | Ծխանկիլք՝ մուխասարի սանդալ | | | | ա. թուխտ. |
| 18. | Զաֆրան | . | . | . | » |
| 19. | Մարտակուշ | . | . | . | հուկի |
| 20. | Պլլուկ վարդ | . | . | . | » |
| 21. | Մահլուպ | . | . | . | » |
| 22. | Աթխօր | . | . | . | » |
| 23. | Կիպեռիս | . | . | . | » |
| 24. | Ասարօն | . | . | . | » |
| 25. | Պապունիճ | . | . | . | » |
| 26. | Մանուշակ | . | . | . | » |
| 27. | Վարդ | . | . | . | » |
| 28. | Նունօֆար | . | . | . | » |
| 29. | Նարինճի ծաղիկ | . | . | . | » |
| 30. | Կասլի տերև | . | . | . | » |
| 31. | Նումայի ծաղիկ | . | . | . | » |
| 32. | Մրտենի | . | . | . | » |

33. Վարդի ջուր	.	.	.	ա. լիտր.
34. Գինի	.	.	.	հուկի
35. Մուշկ	.	.	.	} հուկի
36. Ամպար	.	.	.	
37. Նոճէս	.	.	.	} հուկի
38. Ճապուռ	.	.	.	

Ա. Երիցեան վերև ակնարկած յօդուածում* առաջ է բերում, իւր տակելով մի հին ձեռագրից արտագրած՝ 45 անուն նիւթերի ցուցակ, որի մէջ մտնում են մեր այս ցուցակի գրեթէ բոլոր նիւթերը, մի քանիսը միայն փոքր ինչ տարբեր, երբեմն գուցէ թիւթմացութեամբ փոխած, մէկը երկու դարձրած՝ անուններով, կամ նոյն նիւթի տարբեր տեսակներով: Այսպէս՝ վերևի ցուցակի 3 տեսակ խուսիկ փոխարէն միայն մի պարզ խունկ է յիշած. մի անպուլի փոխարէն 2 տեսակ՝ Հնդի և խաթաթի. զալասան՝ յուտ, հապ և հեղուկ. պլուկ վարդի անց՝ գրվարդ, գինի, մրտենի և ճապուռ չեն յիշուած, բայց գորտ փոխարէն՝ դասապզարիէ, բախուր Մարիամ, Ֆլֆուլ, հապլղար, իրֆխելմէքէ, նարնջի ծաղկի ջուր:

Այժմեան գործածական կանոնը՝ վերոյիշեալ տպրագրութեամբ, այդ անուններից շատերը հայացնելով կամ բացատրելով, նիւթերը տեսակաւորելով և մի քանիսն աւելացնելով՝ տալիս է հետևեալ ցոցակը.

1. Յուտ Պալասան, այսինքն Պալասան Հրէաստանի, կամ Պալասան Եգիպտոսի (Մեքէէ փէլէլէսէնկի, կամ Եահուտի փէլէսէնկի) . . . 20 տրամ

*) Արձագանք, 1882, № 13, եր. 194 շ.

2. Հապ Պալասան. Պալասան Պերուի,
որ է հունտ (Եէնի Տիւնիա փէլէ-
սէնկի թօհուճու) . . . 10 »
3. Մեխակ (Գարանֆիլ) . . . » »
4. Ընկոյզ Հնդկաց, կամ ճավուզ Պուա
(Հինտիստան ճէվիզի) . . . » »
5. Խնկեղէգն (Ղասապ դարիէ) . . . » »
6. Նարդոս Հնդի (Սիւմպիւլի Հինտի) » »
7. Պղպեղ Յաւայի (Բէպապիէ) . . . » »
8. Շամբալեղակ, կամ սամիթ յունական.
Պասպասա բուճի (Պոյթօհուճու) » »
9. Մաղարատրոն (Սաղէճ Հնտի) 20 արամ
10. Գարեսենիկ կամ կինամոն (Տարչին) 10 »
11. Խունկ (Բիւննիւկ) . . . » »
12. Հիլ, կամ զրտիմանէ (Գագուլէ) 20 »
13. Ստորաքս (Պուհուր Մէրիէմ) . . . 10 »
14. Սորեակ հլատ (ճաւր հնտի) . . . » »
15. Սանտալ սպիտակ, կամ Սանտալ ա-
պենար (Սանտալ) . . . 20 »
16. Զուր յասմիկ և այլ ծաղկանց, կամ
միեասյիլէ (չիչէք սույի) . . . » »
17. Բրքում (Զաֆրան) . . . » »
18. Մարդակուշ. որոյ պտուղն է հոտա-
ւէտ (Մէրգէնկուշ) . . . » »
19. Մահլապ. որ է ազգ ինչ քրքմոյ (Մէ-
լապ) 10 »
20. Վաղամեռուկ (Իթիսիլէ Մէքէ) 20 »
21. Կիպարիս, կամ Սօտիքօհի (Սիւյիւտ
քիւհի) 10 »
22. Ասարիոն (Էզարուն) . . . » »

23. Զրվարդ, կամ սլալուկ վարդ (Եսայանի կիւլ) 40 »
24. Երիցուկ, կամ Պապունած (Փափաթիւ շիշէյի) 40 »
25. Մանուշակ, կամ Պենեֆշէ (Մէնէքշէ) 120 »
26. Կոկոսի կամ Նոնոֆարի ծաղիկ (Իւլուֆէր կամ Նինէֆէր շիշէյի) » »
27. Նարնջի ծաղիկ (Թուրունճ շիշէյի) 40 »
28. Պղպեղ սպիտակ (Ֆլֆիւլ) 10 »
29. Վայրի կակաշի տերև, կամ կասլի տերև (Նիւմա կամ կիլէնճիկ-շիշէյի ետիրաղը) 40 »
30. Վայրի կակաշի ծաղիկ, կամ կասլի ծաղիկ (Նիւման, կամ կիլէնճիկ շիշէյի) 30 »
31. Մրտենուոյ տերև (Մերսին աղածը ետիրաղը) 40 »
32. Նարկիզ, կամ Նրճէս (Ներկիւկ) » »
33. Պաուզ դափնուոյ, կամ Հասլղար (Թէֆնէ Թոհումու) 20 »
34. Լատէն (Աֆիոն բուհու) 10 »
35. Կոճապղպեղ (Չէնճէֆիլ) » »
36. Մազտաքի (Սաղըզ) 20 »
37. Յուտ, որ է ծխանելիք (Իւտ կամ էօտ աղածը) » »
38. Պալասան, որ է հեղուկ (փէլէսէնկ) 120 »
39. Ամպար (Ամպէր) 5 »
40. Մուշկ (Միսք) » »
41. Նարդոս խաթայի (Սիւմպիւլի Խիթայի) 10 »
42. Արմատ Մանուշակի (Մէնէքշէ քեօքիւ) » »
43. Մատուտակ, կամ Հոռոմ խունկ (Միա) 20 »

44. Նարնջի ծաղկի ջուր (թուրունջ չի-
չէյի սույու) » »
45. Վարդեջուր (կիււ սույու) 50 »
46. Օշօշի ծաղիկ (աւելացրած տպագրի
վերայ) 40 »

Այս նիւթերը, որ՝ ինչպէս անուններից երևում է, անուշահոտ խնկեղէն, ծաղիկներ և ծաղկաջրեր, անուշաբոյր բոյսերի արմատներ, իւղաւին հիւթեր և տերեւներ են, մեծ մասամբ կարելի էր նաև մեր երկրում գտնել կամ պատրաստել բայց վերջին ժամանակներս սովորութիւն է դարձել գրեթէ բոլորը Պարսկա-Հնդկաստանի առաջնորդի միջոցաւ Հնդկաստանից բերել տալ: Ինչպէս տպագրեալ կանոնի մէջ շեշտուած է, անհրաժեշտ չէ ի հարկի, որ ս. Միւռոն պատրաստելու համար այս բոլոր նիւթերը լինին վերեւ քերած համեմատութիւններից էլ երևում է, որ երկրորդականները նոցա մէջ զանազան ժամանակ աւելացել ու պակասել են: Ռուսաց եկեղեցին այժմ բացի ձիթենու իւղից և սպիտակ գինուց՝ գործ է ածում 31 տեսակ նիւթ, որոնցից 2 դար առաջ միայն 27 տեսակ է եղել և որոնց մեծագոյն մասը մտնում է մեր ցուցակների մէջ: Ս. Միւռոնի ամենակարևոր տարրը այս նիւթերից, թէ մեր և թէ ուրիշ եկեղեցիների համար, պալատանն է՝ փշատանման մի ծառի կեղևի տակից ծորոզ անուշահոտ հեղուկ, որ առաջ Պաղեստինից բերածն էր միայն գործածուում, իսկ ԺՊ. դարից սկսեցին գործածել նաև Հնդկաստանից բերած աւելի անուշաբոյրը: Պալատանը

պահանջում է նաև մասնաւոր խնամքով պատ-
 րաստութիւն: Առաջուց կտաւատի մաքուր ձէթի
 մէջ լուծում են այն և մի փոքր կաթսայի մէջ
 եռ տալիս. միևնոյն ժամանակ մի ուրիշ փոքր
 կաթսայի մէջ եռ են տալիս ձիթենու մաքուր
 իւղը, և այդպէս տաք տաք երկուսը խառնում,
 որպէս զի գանգուին, յետոյ ձիթենու իւղի մեծ
 կաթսայի մէջ թափած ժամանակ՝ պալասանը
 չգնայ տակը նստի: Այդպէս առանձին պահում
 են մինչև միւռոննօրհնութեան օրը: Միւս նիւթերն
 ևս, որը կոշտ է՝ առաջ լաւ, ծեծում մանրում և մա-
 դում են. վերցնում են ապա մի չափաւոր կաթ-
 սայ, ներսից խմորով ծեփում, մէջը ձիթենու
 իւղ և գինի ածում, յետոյ բոլոր պատրաստած
 նիւթերը (բացի պալասանը), և բերանը ծածկում:
 Այսպէս եփում են, և երբ սկսում է եռ գալ,
 կրակը պակասեցնում են և շարունակում երկու
 օր ու գիշեր եփել մեղմ կրակի վերայ՝ երբեմ-
 նակի խառնելով, որպէս զի չկպչի տակից: Յետոյ
 վերցնում են կրակից և երկու օր թողնում, մինչև
 լաւ պարզի. ապա մաքուր կտաւներով քամում
 են և դարձեալ առանձին անօթի մէջ պահում, մինչև
 միւռոննօրհնութեան օրը: Այս բոլորը կատարում է
 Հայրապետի հրամանով Մ. Աթոռի աւագ լուսա-
 րարը իւր օգնականների հետ:

Չեռապիր մաշտոցներում միւռոննօրհնու-
 թեան համար որոշուած օրը աւագ հինգշաբթին է,
 ինչպէս սովորութիւն էր դարձել կատարել ա-
 րեւելքում է. դարից սկսած. ինչպէս մինչև այժմ
 կատարում է Ռուսաց եկեղեցին (2—4 տարին մի

անգամ՝ Մոսկուայում և Կիևիում): Առաջ այդպիսի որոշ օր չի եղել և վերջին դարերում մեր մէջ դարձեալ յարմարութեանը նայած զանազան մեծ տօներին է կատարուում՝ Հոգեգալստեանը, ս. Էջմիածնի տօնին, և ամէնից աւելի Վարդայ ս. Խաչին, որ ս. Էջմիածին երթեկեկելու համար տարուայ ամենայարմար ժամանակն է ընկնում: Մահմանուած օրից ուղիղ 40 օր առաջ ս. Միւռոնի կաթսան մաքուր ձիթենու իւզով լի դըրուում է Մ. Տաճարի աւագ սեղանի վերայ՝ խաչածայր կափարիչով և 7 շաբ ծածկոցով ծածկած, և Մ. Աթոռի միարանութիւնը իւրաքանչիւր օր երեկոյեան ժամերգութիւնից յետոյ պաշտօն է կատարում. այսինքն՝ երգուում է ս. Միւռոնի յատուկ շարականը (Որ յառաջագոյն), կամ մի մի Հոգեգալստեան շարական, սեղանից կաթսայի վերայ պատշաճ աւետարան է կարդացուում, ապա ս. Հոգւոյ քարոզ և ազօթք: Իսկ միւռոնօրհնութեան օրուայ նախատօնակի գիշերը հըսկումն է կատարուում: Ապա որոշուած օրը, ս. պատարագից առաջ, եթէ Վեհ Հայրապետն ինքն է պատարագիչը, ինչպէս սովորաբար լինում է (բացի այն դէպքերից, երբ չափազանց ծերութեան պատճառով դժուարանում է պատարագել), զգեստաւորուում է վեհարանում կամ աւանդատանը. հետն զգեստաւորուում են 12 հպիսկոպոսներ, որոնցից իւրաքանչիւրը մի մի սրբութիւն ձեռքում բռնած՝ կանգնում են Նորին Վեհափառութեան աջ և ձախ կողմերում. Վեհ. Հայրապետի ձեռքին լինում է խաչ և դաւազան, մի

կողմ 6 եպիսկոպոսների ձեռքին ս. Գեղարզը, ս. Թովմա առաքեալի աջը, ս. Պետրոս առաքեալի մասունքը, ս. Յակովբ Ալփեայի աջը, ս. Մատթէոս աւետարանչի մասունքը և միւռոնակիր աղաւնին. միւս կողմի 6 եպիսկոպոսների ձեռքին՝ Կենաց ս. Նշանի ճաճանչաւոր խաչը, ս. Լուսաւորչի աջը, Պետրոս Գետադարձ Հայրապետի քառաթև խաչը, ս. Յակովբ Մծբնայ հայրապետի աջը, ս. Արիստակէս հայրապետի աջը և ս. Աւետարանը: Այսպէս խաչ ու խաչվառով, մոմերով, քշոցներով և բուլաւոններով թափօր կազմած առաջ են շարժուում՝ Վեհ. Հայրապետը ամպհովանու տակ (եթէ վեհարանից է գալիս թափօրը), առջևից Հայրապետական քօղը՝ «Սորհուրդ խորին» երգելով մինչև աւագ սեղանի առաջ, ուր սկսուում է ըստ սովորականին ս. պատարագը: Պատարագի ժամանակ երեք եպիսկոպոսներ կարգաւ վերաբերում ու կարգում են Աւետարանը, ասում «Հաւատամքը», իսկ երբ «Մաղմոս ասացէք» երգուում է, պատարագիչ ս. Հայրապետը նստում է աթոռի վերայ, երեսը գէպի ժողովուրդը դարձրած, և նոյն երեք եպիսկոպոսները յառաջանում են գէպի հիւսիսային խորանը, ուր առանձին սեղանի վերայ առաջուց դրած են լիւնում ս. Հաղորդութեան ընծայից սկիհը, հին Միւռոնը և նոր Միւռոնի պատրաստի նիւթերը պարունակող անօթները: Երկու եպիսկոպոսներ իրենց ձեռքն առնելով հին Միւռոնի անօթն ու նոր Միւռոնի նիւթը, զուգընթացաբար շարժուում են՝ առջևից բուրվառակիր սարկաւազներ,

հտեից կերոնակիրներ և լապտերակիրներ, յետոյ դարձեալ բուրվառակիրներ. ապա վերաբերում անող հպիսկոպոսը՝ հտեից քշոցաւորներ, գալիս են թափօքով այսպէս դէպի ս. Ստեփանոսի սեղանը, ուր կանգ են առնում. ապա կրկին կանգ են առնում արեւմտեան կողմում, ս. Յովհաննու Մկրտչի սեղանի առաջ և հարաւային կողմում. և ամէն անգամ առաջուց պատրաստած սեղան է լինում, որի վրայ դնում են հին Միւռոնի և նորինիւթերի անօթները. իսկ դպրաց դասը շարունակաբար երգում է վերաբերման Սաղմոսը (Յարևուեհար են.): Երբ բարձրանում են սեղանը, մօտենում է բուրվառով պատարագիչ ս. Հայրապետը, վերաբերիչ հպիսկոպոսը բարձրաձայն ասում է «Համբարձէք իշխանք» սաղմոսը, և այսպէս ըստ կարգին լրացուում է վերաբերումը, և պատարագը շարունակուում է մինչև «Ողջոյնը» *):

Ապա կրկին ս. Հայրապետն աթոռ է նըստում. հպիսկոպոսները կարգաւ կարդում են ս. Գրքի ընթերցուածներ և աւետարան. ս. Հայրապետն աղօթքներ է կարդում. յետոյ դարձեալ կարդացուում են ընթերցուածներ և աւետարան, շարականներ են երգուում. հպիսկոպոսներից

*) Վերաբերման այս կարգը սովորաբար անհնարին է լինում կատարել եկեղեցում խոնուած բազմութեան պատճառաւ. ուստի հին Միւռոնն ու նորի պատրաստ նիւթերը բերուում են միւս սրբաթիւնների հետ արդէն վեհաբանից թափօքով գալիս և աւագ սեղանի վրայ պատրաստ են լինում. իսկ ընծայից վերաբերումը կատարուում է ըստ սովորականին ըմի վերայ:

մէկը կարգում է Միւռոնի նիւթի «երզմնեցուցման» բանաձևը, և ս. Հայրապետը կարգում է ս. Գրքի վկայութիւններով ս. Միւռոնի նշանակութիւնը պարզաբանող և խնդրուածներով կնքող երկար աղօթքը:

Այս աղօթքի վերջում ս. Միւռոնի կաթսայի կափարիչը վերցնում է, և մինչ դպիրները շարական են երգում՝ ս. Հայրապետը թափում է կաթսայի մէջ ծաղիկներով և այլ անուշահոտ համեմունքներով պատրաստած նիւթը, ապա և պալասանը. ապա հին Միւռոնը ձեռքն է առնում և «Առաքելոյ աղաւնոյ» երգելով թափում դարձեալ կաթսայի մէջ: Յետոյ վերցնում է Կենաց ս. Նշանը՝ «Օրհնեսցի և Սրբեսցի» ասելով և տեառնագրելով՝ խառնում է Միւռոնը. ապա նոյն կերպ տեառնագրում և խառնում է ս. Գեղարդովն ու ս. Լուսաւորչի աջով. իսկ «օրհնութիւնը» երգուելուց յետոյ կաթսան ծածկում են կափարիչով և ծածկոցով, ս. Հայրապետը կարգում է մի քանի համառօտ աղօթքներ, եպիսկոպոսներից մէկն աւետարան է կարգում. վերջում «Ս. խաչիւս» են ասում, ս. Հայրապետը «Պահպանիչով» փակում է հանդէսը, և «Ողջոյն» տալով շարունակում են պատարագը:

Թէպէտ եկեղեցւոյ և՛ դուրսը և՛ ներսը խիստ կարգապահութեան համար ամեն միջոց ձեռք առնուած է լինում, բայց այս խորհրդաւոր բուսկին, երբ միւռոնօրհնութեան բուն արարողութիւնն աւարտուում է՝ շատ դժուար է պահել ջերմեռանդ ժողովրդեան առաջը, որ ս. Միւռոնի

կաթսան «տաք տաք» համբուրելու ջերմ փափազով յորձանք է տալիս, տուաջ շարժուում, և քիչ չեն պատահում դէպքեր, երբ մէկը կամ միւսը բուռն կրօնական ոգևորութեամբ տարուած, ամեն ինչ մոռացած և ամէն արդելքների յաղթելով՝ պահապան զինուորներ ի սուխներ լի վերայով դէպի սեղանն է նետուում և ս. Միւռոնի կաթսային փարուում: Իսկապէս ս. Պատարագից յետոյ է սկսուում ժողովրդեան գունտագունտ դիմումը կաթսան համբուրելու համար, և այն մի քանի օրը, որ շարունակում է համբուրելը, կաթսան մնում է ի հարկէ սեղանի վերայ:

Ի՞նչ տպաւորութիւններ և ի՞նչ զգացումներ է տանում այնուհետև ուխտաւոր բազմութիւնը Մ. Աթոռից:—Երջանկայիշատակ Սիմէոն կաթողիկոսը, որի մի քանի ասացուածքները վերև առաջ բերինք, այդ բազմութեանը դիմելով և իւր խօսքն ընդհանրացնելով՝ բացականչում է. «Ո՛վ ամենայն եկեղեցիք և եկեղեցականներ, ճանաչեցէք թագուհիների միակ թագուհի ս. Էջմիածինը, որ Հայոց ազգի Աթոռն է և Քրիստոսի յատուկ սիրելին. որի նմանը ուրիշ ազգեր չունին, որին երանի են տալիս և գովում, որին կարօտում են և տեսնել ցանկանում... Տեսէք և ճանաչեցէք կենդանի ջրոյ միակ աղբիւր և ջրհոր ս. Էջմիածինը, որ անա բաշխում է ձեզ, յոռուզումն հողևոր, կենդանաբար ջուրը՝ սուրբ Միւռոնը: Այն խորհրդաւոր արեգակն է և Էջմիածինը, որ առատապէս ճառագայթում է դէպի ձեզ աստուածային լոյսը՝ սուրբ Միւռոնը, որ ձեր հողին ու մարմինը

պիտի լուսաւորէ: Վաշիկեցէք ուրիմն, շնորհակալ
 եղէք և իմացէք, թէ ումնից էք ստանում այդ
 շնորհը»:—Դժբախտաբար նոյն վստահութեամբ և
 նոյն պարծանքով խօսել մենք այսօր այլևս չենք
 կարող: Սիմէոն Երևանցու օրով այնքան մեծ էր
 իրօք Մ. Աթոռի կատարած կենդանարար և լու-
 սատու դերը հայ ժողովրդեան վերաբերմամբ.
 Ինքը բազմերախտ Հայրապետը մանուկ հասակից
 մնուած և կրթուած լինելով նոյն Աթոռի հովա-
 նու ներքոյ, ամբողջ կեանքը նորա շնութեանն
 ու պայծառութեանը նուիրած՝ այնպիսի ջերմ
 հաւատ ունի դէպի նորա երկնատուր կոչումը, և
 մահմետական ազգերով շրջապատուած, ասիական
 թանձր խաւարի մէջ կորած մի մթնոլորտում
 այնքան զգալի էր քրիստոնէի համար նորա հո-
 գևոր գերազանցութիւնը, որ վերև բերուած խօս-
 քերը պէտք է համարուին հեղինակի անկեղծ
 զգացման և համոզման արտայայտութիւններ:
 Սակայն դարուկէս ժամանակ է անցել այդ օրից
 և մեզ բերել շատ դառն փորձեր, մեզ համեստ
 ու նկուն դարձնող բազմադիմի ծանօթութիւններ:
 Մեր առջև մի ընդարձակ քաղաքակիրթ քրիս-
 տոնեայ աշխարհ կայ՝ կենդանութեան և լուսա-
 ւորութեան այնպիսի փառաշուք կենտրոններով,
 որ եթէ մենք վստահանայինք իսկ նոցա հանդէպ
 բերել մեր հոգևոր կեանքի կենտրոնը և պարծե-
 նալ սորա պատկառելի հնութեամբ, Աստուածա-
 հիմն հաստատութեամբ և անցեալ փառքով, սառը
 պատասխան կստանայինք անշուշտ. իսկ դձուք,
 նոր ժամանակի սերունդներդ, որչափ արժանաւոր

ժառանգներ էք արդեօք ձեզ աւանդած բարեաց
 ինչպէս էք գնահատում և ի՞նչ միջոցներով ներ-
 դործական դարձնում նոցա հոգևոր ոյժը. ի՞նչքան
 պայծառ էք պահում արտաքուստ և կենդանի ներ-
 քուստ ձեր հայրենի տունը: Եւ ափիւրհերան պիտի
 մնայինք մենք: Եւ թողնելով, որ իւրաքանչիւր
 քրիստոնեայ ժողովուրդ իւր ազգային սրբութիւն-
 ներին դերագոյն արժանիք վերագրէ և պատշա-
 ճաւոր յարգն ընծայէ նոցա, դառնայինք և մեր
 փառապանծ ժառանգութեան բաղդատմամբ մեր
 անպարտաճանաչ խեղճութիւնը սգայինք. բայց
 և նոր ոգի ու՛նոր եռանդ ստանայինք, հակառակ
 մեր ապաշնորհութեան՝ Մեծ Լուսաւորչի և մեր
 երջանիկ նախնեաց անդուլ աղօթքի և անսպառ
 երախտեաց շնորհիւ դեռ կանգուն և միշտ հաս-
 տատ տեսնելով Մ. Աթոռը, նորոգ օրհնութեամբ
 սրբալոյս Միւռոնի միշտ կենդանի և կենդանա-
 բար շնորհարաշխ ս. Հոգին քրիստոնեայ հայու-
 թեան մէջ. ձայնէինք միմեանց, և դարէ ի դար
 հնչող այս ձայնը արձագանք տար հայ սրտերում.
 Եկէք, եղբարք, շէն վառ պահենք շուսոյ այս սուրբ
 խորանը, որ այստեղից ծագէ միշտ լոյս մեր
 Հայաստան աշխարհին:



ՄԱՍՏԻՍԻՍ
 ԵՒ ԵՐԵՎԱՆ
 ԳՐԱԴԱՐԱՆ

ՄԱՍՏԻՍԻՍ
 ԳՐԱԴԱՐԱՆ
 1917
 ՀԱՅԿԱՍՏԱՆԻ ԳՐԱԴԱՐԱՆՆԵՐԻ ԿԵՆՏՐՈՆԱԿԱՆ ԿՈՄԻՏԵ

